

VP Schmidt se sastao sa predsjedavajućim Predsjedništva BiH Bećirovićem: Podrška evroatlantskoj integraciji BiH



Visoki predstavnik Christian Schmidt sastao se danas sa predsjedavajućim Predsjedništva BiH Denisom Bećirovićem, sa kojim je razgovarao o aktuelnim političkim dešavanjima i reformskim naporima koje poduzimaju organi vlasti Bosne i Hercegovine u cilju unapređenja evroatlantske integracije BiH.

Visoki predstavnik je naglasio značaj predstojećeg sastanka Vijeća EU, uz nadu da će Vijeće podržati otvaranje pristupnih pregovora sa BiH. Ovo bi bila ključna šansa za BiH i njene građane.

„Bosna i Hercegovina treba nastaviti sa provođenjem konkretnih reformi u kontekstu provedbe Dejtonskog sporazuma, kao i u kontekstu EU integracija. Ova dva procesa su komplementarna i međusobno se ne isključuju. Svaki pokušaj usporavanja reformi ili nepoštivanja Dejtonskog mirovnog sporazuma usmjeren je protiv oba ova procesa i jasan je znak nepostojanja opredjeljenja za provedbu reformi ili angažmana usmjerenog ka prosperitetnoj budućnosti ove zemlje“, rekao je visoki

predstavnik.